

A René Willien (27-2-1980)

Louis Quinson

(Patois de Morgex)

Euntan, comme oui, öutre pe la Val Ferret
L'an troöu lo côo de René Willien, dza frett ;
La posechön, comme iadorachön
y pià di montagne que l'iön sa pachön.
Lo Bon Gueu l'a prèi can l'ïe solett
Chencha tapadzo, eun gran secret ;
Comme chencha tapadzo l'ïe vécù
Si Gran Valdöten, que no beutten su le-s-écù,
Su le-s-écù di nöufro patoué
Que l'a protedgià et defendu deun le moman pi crouè ;
Sa devohiön pe la lenva de nöufra tèra
L'ïe enorma et pe la defendre l'acù fénque fa an guèra ;
An flâma que Lliù la quettöu avièe
À no la defendre perquè à no la quettèe.
Merci, René, pe T-s-ansègneman
Preièn pe Lliù deun si tristo moman ;
Te saè achitöu à-pià de Cerlogne
Diöude-no bien fôo que lo patoué
L'est tan jouli, l'est pöu an vergogne !

